

# L'ANTIDEMON DE MASCON,

O V

HISTOIRE PARTICVLIERE  
& tresveritable de ce qu'un De-  
mon a fait & dit à Mascon il y  
a quelques annees dans la  
maison du S<sup>r</sup>. Perreaud  
resident pour lors en  
ladite Ville.

*Opposée à plusieurs faussetés qui en  
ont couru.*

Aa

THE MASON  
ANTIDEMON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON

THE MASON





# RELATION O V

## RECIT VERITABLE

*des principales choses qu'un  
Demon ou malin esprit a  
fait & dit à Mascon, en la  
maison du sieur FRANÇOIS  
PERREAUD, Ministre du  
S. Euangile audit lieu.*

**L**E quatorzième iour du  
mois de Septembre de  
l'année 1612. le Sieur  
François Grand-jean No-  
taire Royal du village de  
Chasselas, ancien de l'Eglise de Mas-  
con, & moy, partismes ensemblement

dudit Mascon , pour nous trouver en vn Colloque qui se tenoit au Bourg de Couches. Je fus de retour de ce voyage cinq iours apres; & comme ie fus arriué en ma maison , ie trouuai ma femme & sa chambriere tellement tristes & abbatues de visage, que ie m'enquis d'elles d'abord d'où leur procedoit ce changement. Sur quoi ma femme m'auroit dit , que le soir mesme du susdit iour que i'estois parti de la Ville, qu'estant couchee, il y eut ie ne sçai quoi qui lui vint tirer les rideaux de son liét avec impetuosité & violence , dès son premier sommeil. Et que lors la chambriere , qui estoit en vn autre liét couchee , dans la mesme chambre, ayant ouï cela , se feroit promptement levee & accourue vers elle , pour voir que s'estoit: mais qu'elle n'auroit rien apperceu: qu'elle auroit mesme trouué les portes & les fenestres de certe chambre bien fermées , ainsi qu'elle les auoit fermées auant que de s'aller coucher.

Ma

Ma femme me dit encor, qu'à cause de cela elle auroit fait coucher avec elle cette chambriere la nuit suivante : Et qu'incontinent qu'elles furent toutes deux dans le liſt, qu'il y eut encor ie ne ſçai quoi qui leur vint tirer la couuerte : Et qu'au meſme instant la chambriere ſe ſeroit iettée du liſt en bas, & ſeroit allée dès cette chambre ou petite ſale, où nous couchions, qui eſt ſur le derriere du logis, pour entrer en vne cuiſine, qui eſt au milieu dudit logis; mais qu'elle auroit trouué la porte, qui entre de cette ſale en ladite cuiſine, fermée au verrouil, dont elle auoit accouſtumé de la fermer tous les ſoirs, en dedans ; & que l'ayant voulu ouvrir, pour entrer en cette cuiſine, qu'elle auroit trouué de la reſiſtance, comme ſ'il y euſt eu vne perſonne contre cette porte, pour l'en empêcher; voire qu'un autre verrouil, qui eſtoit de l'autre coſté de ladite porte, ſe trouua fermé. Que ſur ce la chambriere, ſe

voyant ainsi enfermée , sans pouuoir sortir , auroit esté contrainte d'appeler vn ieune garçon qui demeueroit chez nous, lequel estoit couché en vne autre chambre sur le deuant du logis, lequel s'estant réveillé seroit venu ouurer la porte sans que pourtant la chambrière lui declarast ce qui se passoit, afin de ne l'effrayer , & qu'après que cette porte fut ainsi ouuerte , & que la chambrière eut allumé la chandelle, qu'elle auroit trouué dans cette cuisine vne partie de la vaisselle par terre , comme les casses, les poiles, & les chauderons, dont cette mesme nuit , & quelques autres suivantes , il se seruit pour faire du bruit, comme celui qu'on a accoustumé de faire quand on mene la charriari (qu'on appelle) ou quand on sonne pour arrester les abeilles en esté.

Voila les principales choses que ma femme & la chambrière me reciterent leur estre arriuees pendant  
mon

mon absence. Sur quoi ie ne dissimulerai point que ie me vi d'abord dans quelque estonnement comme d'une chose tout à fait extraordinaire: mais en mesme temps ie pris la resolution à part moy de n'estre ni trop facile à croire ce qu'elles m'auoyent dit, ni trop difficile aussi. Diuerses pensees me venoyent en l'esprit, ie me representois d'un costé la fragilité & timidité du sexe femenin; ie pensois d'autre costé que cela pouuoit estre arriué par l'artifice de quelque garnement, lequel se seroit caché en quelque endroit de la maison: ce qui me donna suiet, auant que de m'aller coucher, d'aller au prealable rechercher fort soigneusement par tous les coins & recoins de la maison. Je fermai mesmes & barricadai toutes les portes & fenestres, iusques à boucher les chattieres, qui estoient aux portes. Bref, ie n'oubliai rien à pourvoir à tout ce qui me pouuoit donner le moindre soupçon. Et apres auoir fait



la priere avec ma famille , ie m'allai reposer ; ma femme & sa chambriere estans demeurees aupres du feu filans leurs quenouilles, & la lampe allumee sur la table.

Je ne fus pas si tost dans le liect , que voila tout subitement vn grand bruit du costé de cette cuisine, avec vn roulement assez espouuantable d'un gros baston , comme s'il eust esté poussé avec roideur , d'un bras fort & robuste: l'ouï heurter contre vne paroy de sapin , que i'auois fait faire nouuellement en cette mesme cuisine, tantost comme si c'eust esté avec la iointure du doigt , tantost comme si c'eust esté avec les ongles , tantost comme avec le poing , & lors ses coups redoubloyent. Il iettoit outre cela, comme avec force , plusieurs choses contre cette paroi, comme assiettes, tranchoirs, escumieres ; il prenoit son plaisir de remuer vne estamine de cuivre, à cause de quelques boucles qui y estoient, & quelques autres menus meubles de  
cette

cette cuisine. Apres que i'eus presté l'aureille attentiuement à tout ce bruit & tintamarre , ie me leve de mon liët, & ayant pris mon espee, i'entre en cette chambre d'où venoit ce bruit , la chambriere tenant la chandelle allumee deuant moi ; là ie regardai encor fort exactement , si i'y pourrois trouuer quelqu'un de cachés ; mais n'ayant rien peu trouuer , ie retournai en mon liët : ce bruit recommence comme auparauant ; ie me releue pour la seconde fois , faisant de-rechef vne fort soigneuse recherche ; mais en vain tout cela. Dès lors ie commençai de cognoistre que cela ne pouuoit proceder que d'un malin esprit ; & ainsi passai le reste de la nuict avec vn tel estonnement que chascun se peut assez représenter.

Dés le lendemain de grand matin i'en allai donner avis aux Anciens, ou charge ayans de mon Eglise. le creus mesmes que ie ne devois pas celer cela au Sieur François Tornus, Notaire

Royal & Procureur à Mafcon, quoi qu'il fust Catholique Romain, voire grandement affectionné à sa Religion : Et le tout pour les raisons que ie dirai ci apres. Depuis, lui & tous les autres auxquels i'en auois communiqué, ne manquerent point de me venir voir tous les soirs, pendant que cela a duré, ou ensemblement, ou alternativement, sejourrans presque tousiours avec moi iusques à la minuiet, & quelquefois plus longuement.

Le premier soir qu'ils vindrent, & quelques autres suivans, ce malin esprit se retenoit de faire aucun bruit ni remuement en leur presence, comme s'il n'eust pas voulu estre cogneu d'eux. Mais en fin le vingtiesme de Novembre, sur les neuf heures du soir, il se fit tout ouuertement reconnoistre pour ce qu'il estoit. Car en la presence de nous tous, notamment dudit Sieur Tornus, il commença à siffler, par trois ou quatre fois consecutives, d'un son fort haut & esclatant



tant ; & quant & quant à former vne  
 voix fort articulée & intelligible,  
 quoi qu'un peu enrouée & assez pro-  
 che de nous , comme qui diroit de la  
 distance de trois ou quatre pas. Il  
 profera ces premières paroles chan-  
 tant *vingt deux deniers , vingt deux de-  
 niers* , comme ces oiseaux qui sont en  
 cage , auxquels on a appris cette note.  
 Après cela il dit & reiterra par plu-  
 sieurs fois ce mot, *Ministre, Ministre* :  
 Et d'autant que cette voix nous fut  
 d'abord fort espouuantable , ie de-  
 meurai assez long temps sans vouloir  
 respondre à ce mot, sinon, *va arriere  
 de moy Satan , le Seigneur te redargue*.  
 Mais comme il repetoit encor fort  
 souuent ce mot de *Ministre* , pensant  
 me faire (peut estre) vn grand desplai-  
 sir , ie fus contraint de lui dire , *Ouy  
 vrayement ie suis Ministre & seruiteur du  
 Dieu viuant, deuant la Maiesté duquel tu  
 trembles* : à quoi il repartit, *le ne dis pas  
 le contraire*. Et moi ie lui dis lors: *le n'ai  
 que faire de ton tesmoignage*. Il ne laissa

Royal & Procureur à Mascon , quoi qu'il fust Catholique Romain , voire grandement affectionné à sa Religion : Et le tout pour les raisons que ie dirai ci apres. Depuis, lui & tous les autres ausquels i'en auois communiqué, ne manquerent point de me venir voir tous les soirs, pendant que cela a duré, ou ensemblement, ou alternativement, sejourrans presque tousiours avec moi iusques à la minuiet, & quelquefois plus longuement.

Le premier soir qu'ils vindrent , & quelques autres suivans , ce malin esprit se retenoit de faire aucun bruit ni remuement en leur presence, comme s'il n'eust pas voulu estre cogneu d'eux. Mais en fin le vingtiesme de Nouembre , sur les neuf heures du soir , il se fit tout ouuertement reconnoistre pour ce qu'il estoit. Car en la presence de nous tous, notamment dudit Sieur Tornus , il commença à siffler , par trois ou quatre fois consecutives , d'un son fort haut & esclatant

tant; & quant & quant à former vne voix fort articulée & intelligible, quoi qu'un peu enrouée & assez proche de nous, comme qui diroit de la distance de trois ou quatre pas. Il profera ces premières paroles chantant *vingt deux deniers, vingt deux deniers*, comme ces oiseaux qui sont en cage, auxquels on a appris cette note. Après cela il dit & reiterra par plusieurs fois ce mot, *Ministre, Ministre*. Et d'autant que cette voix nous fut d'abord fort espouuantable, ie demeurai assez long temps sans vouloir respondre à ce mot, sinon, *va arriere de moy Satan, le Seigneur te redargue*. Mais comme il repetoit encor fort souuent ce mot de *Ministre*, pensant me faire (peut estre) vn grand desplaisir, ie fus contraint de lui dire, *Ouy vraiment ie suis Ministre & seruiteur du Dieu viuant, deuant la Maiesté duquel tu trembles*: à quoi il repartit, *le ne dis pas le contraire*. Et moi ie lui dis lors: *le n'ai que faire de ton tesmoignage*. Il ne laissa

pas de continuer, & mesmes pour nous faire auoir quelque bonne opinion de lui.

Il se voulut apres cela comme transformer en Ange de lumiere, en recitant de son propre mouuement, & tout hautement, l'Oraison Dominicale, le Symbole des Apostres, les prieres du soir & du matin, le Decalogue. Il est vrai qu'il en tronquoit & obmettoit tousiours vne partie. Il chanta aussi à haute & intelligible voix vne partie du Pseaume quatre vingts & vn: dit en outre beaucoup de choses qui peuuent estre veritables, comme plusieurs particularitez de nostre famille. Entr'autres, que feu mon pere auoit esté empoisonné, nommant celui qui l'auoit fait, & pourquoi, specifiant encores le lieu & la maniere du poison.

Ce soir là mesme il dit, qu'il venoit du pays de Vaux, qu'il auoit passé au village d'Alamogne, qui est au Bailliage de Gex, deuant la maison de  
mon

mon frere aîné, où il l'auroit veu  
estant avec le Sieur Dupan, Ministre  
à Thoiry, & que mesmes ils estoient  
sur le point d'aller souper de com-  
pagnie chez mondit frere, qu'ils  
estoient voisins & bons amis, & qu'il  
les auroit salué & demandé s'il leur  
plaisoit de me mander quelque cho-  
se, parce qu'il s'en alloit à Mascon.  
Que sur cela ils l'auroient accueilli  
fort gracieusement, & prié de me sa-  
luer de leur part, mesmes qu'ils l'au-  
royent invité d'aller boire avec eux:  
sur quoi ie lui dit, ha ! meschant, ils  
ne te cognoissoient pour ce que tu es:  
car s'ils t'eussent cognu, ils se fussent  
bien gardé de te parler de la sorte. En  
effect, pour monstrier que cela pou-  
voit estre arriué, ledit Sieur Dupan  
m'a dit, & à plusieurs autres, qu'il est  
fort bien memoratif qu'en ce mesme  
temps, vn homme, duquel il se repre-  
sentoit la figure & ressemblance,  
monté (dit-il ce sembloit) sur vn che-  
ual fort maigre & comme, portant le

nez en terre, les auroit accostez & tenus tels discours.

Ce Demon dit encor, touchant mon autre frere, qui demeueroit lors en la Vallee du Lac de Ioux au pais de Vaux, qu'un iour quelques vns de nos proches parens l'estans aller visiter, que pour leur donner de la recreation & passer temps il les auroit fait pourmener sur le lac qui est en cette vallee : Et ce sur vn radeau, au lieu d'un batteau : Mais que comme ils estoient desia assez auant sur le lac, que soudainement seroit survenu vn vent impetueux, qui les contrainoit de retourner promptement en arriere : & qu'estans proches du riuage, que ce radeau seroit renversé, tellement qu'il ne s'en fallut gueres qu'ils ne fussent tous noyez. Il assura que c'estoit lui qui auoit fait cela. Et certes comme la chose est bien arriuee de la sorte, aussi y a il bien de l'apparence que ce malin esprit a dit vrai, assauoir qu'il auoit excité ce vent,  
puis



puis que nous lisons en l'histoire de Iob , que le Diable esmeut les tourbillons impetueux , qui renuerse-  
rent la maison du haut en bas où estoyent les enfans de ce saint personnage.

Vn soir, adressant sa parole au Sieur Claude Repai , l'un de ceux qui me venoyent voir tous les soirs , il lui demanda , s'il ne se souuenoit pas qu'un iour, qu'il lui designoit, comme il travailloit en sa blancherie , qu'apres qu'il eut agencé & remué quelques pieces de toile & du filet , & qu'il en voulut faire le mesme en un autre endroit , qu'il trouua les premieres hors de la place où il les auoit mises. Il dit eneor que c'estoit lui qui auoit fait cela. Il demanda de mesme à un autre blanchisseur , nommé Philibert Guillermin, qui estoit aussi avec nous, s'il ne se souuenoit pas qu'un iour, comme il se baissoit pour remuer quelques pieces de toile & du filet sur le pré, qu'on le tira par les tassettes de

son pourpoint, en sorte qu'il fut contraint de faire deux ou trois pas en arriere. Et que le soir d'apres, comme il estoit couché dans la cahnette de sa blancherie, qu'il pendit son chapeau en vn clou ioignant son liêt, que lors on lui prit ce chapeau, & qu'on le lui ietta contre la face estant endormi, dont il se seroit reveillé en sursaut: lui dit aussi que c'estoit lui qui l'auoit fait. Et de fait lesdits Repay & Guillermin m'ont asseuré que tout cela leur estoit bien arriué, sans toutesfois auoir iamais sceu d'où cela leur estoit procedé.

Le frere dudit Philibert Guillermin, marchand de Louan, reuenant de Lyon, & estant logé chez son frere, me voulut venir visiter le soir de son arriuee; mais son frere l'en empescha. Le lendemain cet esprit ne manqua pas de le nous dire, *Je sçai bien (dit-il) pourquoi M<sup>e</sup>. Philibert ne vint pas hier veiller ici, c'est que son frere, apres auoir souppé avec lui, auoit bien enuie de venir*  
ceans,



ceans, mais M<sup>c</sup> Philibert l'en destourna, de  
 peur qu'il n'eust ouï le bruit qui s'y fait. Il  
 parla encor d'une querelle qui auoit  
 esté n'y auoit pas long temps entre  
 vn nommé Iaques Berard fourbisseur  
 de Mascon, & vn autre nommé Sa-  
 muel Dumont, du Pont de Veylle, le-  
 quel auoit battu (disoit-il, comme il  
 estoit vrai) ledit Berard de telle sorte  
 que peu s'en estoit fallu qu'il n'en  
 mourust : & en dit sur cela beaucoup  
 de choses, dont on n'auoit pas ouï  
 parler. Il parla aussi d'un accident  
 qui estoit nouuellement arriué à vn  
 Bourgeois de la Ville de Mascon,  
 nommé François Chiquard, lequel  
 au iour de la foire precedente de  
 Saint Laurens, iour auquel la Ville  
 de Mascon a accoustumé de faire vne  
 solemnité toute en armes, auoit esté  
 blessé d'un coup de mousquet à la  
 iambe, en laquelle la gangraine  
 s'estant mise, on fut contraint de la  
 lui couper. Cet esprit nomma celui  
 qu'il disoit auoir fait le coup parmi la

presse: Et ee (disoit-il) à dessein de se venger dudit Chiquard, auquel il en vouloit. Ce qui peut estre aussi veritable..

Il dit notamment, touchant vn nommé Philibert Masson, & Guillaume Blanc sa femme, dite communément la Chalonnoise, lesquels auant nous possedoyent cette maison, qu'estans vn iour le mari & la femme, en querelle l'vn contre l'autre, que la femme espia l'occasion que son mari vouloit descendre en sa boutique, & qu'elle le poussa par derriere du haut des degres en bas, dont il tomba roide mort sur la place: Et qu'incontinent apres elle seroit descendue par vn autre escalier, qui est sur le derriere de cette maison: & que de là elle alla en la boutique, en laquelle travailloyent les compagnons de leur mestier de filatier, leur disant, qu'ils allassent goustier; afin que trouuans leur maistre au bas des degres, elle couvrift par ce moyen le meurtre qu'elle

qu'elle venoit de commettre, comme si cela fust arriué à son mari par quelque accident de maladie subite. Ce que plusieurs ont creu estre veritable.

Vn soir adressant son propos à l'un de nostre compagnie, lui dit des choses si particulieres & si secrettes, dont cettui là ne s'estoit iamais (nous dit-il) descouvert à personne, qu'il creust que ce Demon auoit seu sa pensee; iusques à ce que ie l'en eu desabusé. Il vint de là à prophaner & à se moquer de Dieu & de toute Religion, & dire entr'autres, *Gloria Patri* : & sautant à la troisieme personne de la Sainte & Sacree Trinité il fit vn sale, horrible & detestable equiuoque, dont, ouuré de iuste douleur, ie lui dis, *Mais plustost, meschant & abominable que tu es, faut-il dire, Gloria Patri, Creatori cœli & terra, & Filio suo Iesu Christo qui destruxit opera Diaboli.* Il pressa & sollicita fort à ce qu'on allast querir le Sieur Duchassin, Curé de la paroisse dite Saint Estienne, afin (di-

soit-il) qu'il se peust confesser à lui, & qu'en venant il n'oubliaſt pas d'apporter de l'eau benite pour le conjurer : que cela fait il ſ'en iroit incontinent.

Et comme nous nous eſmerveilions de ce que le chien de la maiſon, qui autrement eſtoit de tres-bonne guette, & abbayoit au moindre bruit, que cependant il n'abbaya iamais lors, nonobſtant tout ce bruit & tintamarre qu'il faiſoit. Il dit de ſon propre mouuement, ſans qu'on l'en enquiſt, *Vous vous eſbahiffez de ce que le chien n'abbaye point ; c'eſt parce* (diſoit-il) *que ie lui ai fait le ſigne de la croix ſur la reſte.*

Il ſe ietta puis apres ſur les raileries & bouffonnerie ; teſmoin ce qu'il dit de Geneue, aſſauoir qu'il s'eſtoit trouué au iour de l'Eſcalade, & qu'il auoit ſauté du haut des murailles dans le foſſe, où eſtant les gro-nouilles faillirent à le manger ; & en diſant cela il contrefaiſoit aſſez naï-  
uement

uement le couassement des grenouilles. Dit que lors vn Iesuite, nommé *Pere Alexandre*, estoit au pied des eschelles exhortant les Sauoyards de monter hardiment, qu'ils prendroyent la Ville-& gagneroyent Paradis. Et que lors que l'on pendoit les treize, les femmes de la Ville disoyent au Bourreau, *courage Tabasan, tu auras tantost à boire*.

Parlant du Pays de Vaux, il disoit, qui c'estoit vn Pays où l'on faisoit de belles grillades de sorciers : & disant cela il rioit comme à gorge desployee. Il prenoit notamment singulier plaisir de gauffer avec la chambriere, l'appelant à tout propos *Bressande*, & contrefaisoit son langage. Vn soir entr'autres comme elle montoit au grenier, pour aller querir du charbon, il lui dit, *Tu es bien hardie de passer si pres de moi*. Et au mesme instant frappant comme de ses mains l'une contre l'autre, il lui dit, *Je te mettrai dedans mon sac*.



Il print aussi vn singulier plaisir (comme on eust dit) de gauffer avec Michel Repay, lequel venoit presque tous les soirs avec son pere, l'appelant fort souuent par son nom *Michel, Michel*. Il lui dit vne fois, qu'il le vouloit mener à la guerre avec le Marquis de S. Martin, lequel dressoit lors vne compagnie de caualerie en Bresse, pour mener en Sauoye. Mais ledit Michel Repay, se mettant à rire, lui dit, *Comment irois ie avec vn tel poltron comme toi, puis que tu te vante d'auoir fuy en l'Escalade ?* Cet esprit repartit promptement, *ma dommage* (dit-il) *que ie ne me laissai pendre avec les autres : ie n'estois pas si sot* : Et continuant encor de gauffer avec ledit Michel Repay, il lui ramenteut quelques paroles qu'il auoit tenues avec vn nommé Noel Monginot, le Dimanche precedent, allans ensemble au prescho à Vrigny, & qu'ils auoyent dit, que le moyen de l'attraper seroit de tendre des filets. *Veux tu donc maintenant les tendre*

*tendre pour me prendre & attrapper. Il contrefit lors si naïvement la voix & parole de la mere dudit Michel Repay, qu'icelui fut encor contraint de rire, & de s'escrier tout haut, parlant à son pere present, Mon Pere, ie vous assure qu'il parle tout de mesme comme ma mere.*

Vne autre fois il nous dit, comme d'une voix pitouise & languissante, qu'il desiroit de faire son testamēt, d'autant qu'il estoit necessité de partir promptement pour aller à Chambertin, & là faire iuger vn procez qu'il y auoit, lequel estoit en estat, & qu'il craignoit de mourir par les chemins: sollicita là dessus la chambriere d'aller querir vn Notaire pour le receuoir, assauoir le pere dudit Sieur Tornuz, de la famille duquel il dit beaucoup de particularités, desquelles, comme de tout le reste de ce qui est arriué en la presence, icelui Sieur Tornuz fils, aussi Notaire Royal, a laissé des memoires escripts & signés de sa propre main, les-

quejs i'ai aujourd'hui en ma puissance confirmatifs de ce que ie di ici.

Notamment il y fait mention sur le propos de ce testament, que ledit Demon declara les legats qu'il vouloit faire, assauoir à l'vn ceci, à l'autre cela. L'vn de ceux à qui il vouloit donner (disoit-il) cinq cents escus, lui respondit lors, *qu'il n'auoit que faire de son argent, qu'il perist avec lui*: Il nomma son heritier vniuersel, mais certui là lui respondit, pareillement, qu'il ne vouloit point acceper son hoitie, ains qu'il la repudioit. de bien bon cœur. *Ie t'en deboute donc* (repliqua-il) *moyennant cinq sols & vn quartier de pain.*

Il feignit vn peu de temps apres, de n'estre point cet esprit qui auoit tenu ces discours, ains qu'il estoit seulement son valet, & qu'il venoit de faire compagnie à son maistre, qu'il auoit charge de lui, de tenir sa place pendant qu'il seroit absent pour son voyage de Chambéri. Et comme sur ce ie le rebroüai & parlai rudement, selon



selon les paroles que Dieu me mettoit en bouche : il fit lors comme le doux & respectueux envers moi , *Excusez moi Monsieur* (disoit-il) *ie ne suis pas celui que vous pensez ; vous me prenez pour un autre. Je n'auois pas encor esté ceans :* *Comment vous appelez-vous , s'il vous plait ?* Et comme il disoit cela, le Sieur Simeon Meiffonnier, l'un de ceux qui me venoyent voir fort souuent en cette occasion , s'eslança subitement iusqu'au lieu d'où procedoit cette voix, & apres auoir là fort soigneusement visité , cherché & recherché d'une part & d'autre, ainsi que d'autres auoyent fait auant lui par plusieurs & diuerses fois , & n'ayant rien peu descouvrir, il retourna en la sale où nous estions tous ensemble, portant avec lui quelques menues hardes , entr'autres vne petite bouteille, dont cet esprit comença à se rire & moquer, & à lui dire , *Il y a long temps que i'ai ouï dire que tu tiens du fol , & ie vois que tu l'es en effect , de croire que ie sois dans cette bou-*

*seille. Car si cela estoit, en mettant le doigt au pertuis de la bouteille ie serois pris.*

Vn soir comme le Sieur Abraham Lullier Orphevre venoit en la maison, comme il ne manquoit gueres, cet esprit commença à dire, *Allez ouvrir à Lullier qui vient : & au mesme instant il heurta à la porte ; dès qu'il fut entré il lui dit, qu'il desiroit d'apprendre de lui son estat d'Orphevre, & qu'il lui donneroit, s'il vouloit, pour son apprentissage, cinquante escus : & là dessus le flatte & caresse, lui disant, *Je t'aime bien, tu es plus homme de bien qu'un tel, qu'il nomma : C'estoit vn Orphevre de Geneve lequel auoit trompé (disoit-il) vne Dame de Masson, laquelle estoit allee visiter quelques parens qu'elle auoit dans Geneve : & ce en la vente de quelques bagues, ioyaux, & vaisselle d'argent. Sur ce ledit Lullier lui dit, *Je n'ai que faire de ton amitié, ie me contente de celle de mon Dieu : & ne veux non plus auoir vn tel apprenti que toi. Puis donc (dit cest esprit)***

esprit) *que tu ne veux pas m'apprendre d'estre Orphevre, il faut que Maistre Philibert m'apprenne à estre Blanchisseur : & contrefaisant encor le valet, disoit qu'il estoit pauvre & mal habillé, qu'il mouroit de froid, qu'il ne gaignoit que douze escus par an. Nous dit, que si nous desirions qu'il s'en allast promptement, que donc on lui donnast quelque chose, quoi que ce fust. Et comme ie lui eus dit, qu'il s'adressoit mal, & que ie ne lui donneroie pas la rongneure de mes ongles : Il me respondit, Vous estes donc bien peu charitable.*

Il s'opiniastra de plus en plus à soutenir que ce n'estoit pas lui qui auoit esté en la maison dès le commencement, ains son maistre; que mesmes ce n'estoit pas lui qui y auoit esté le soir precedent, ains l'un de ses camarades & compagnons; & qu'ils estoient tous deux attendans la venue de leur maistre de son voyage de Chamberi, d'où il ne devoit plus gueres tarder de venir.

Quoi qu'il en soit, ou que ç'ait esté le maistre, ou l'un des valets, i'ai sçeu de bonne part, qu'en ce mesme temps il y eut vn esprit en la maison de Monsieur Favre, premier President à Chamberi, que la science du droit a rendu l'un des hommes illustres de ce siecle; lequel lui parla, & dit entr'autres, qu'il venoit de Mascon, & auoit passé en Bresse, & veu tel & tel de ses parens, & plusieurs autres choses. Crioit tout haut, *qu'on fist des preparatifs de viandes, comme de coqs d'Inde, perdrix, levrauts, &c. pour la venue de son maistre.* Il chanta en mesme temps plusieurs chansons prophanes & lasciuës, notamment celle qu'on appelle *le filou.* Il contrefaisoit la voix des charlatans & des iouëurs de passe-passe, & sur tout celle des chasseurs, criant aussi touchaument, *ha levrier, ho levrier!*

Il s'advisa puis apres d'une autre ruse qui lui estoit assez ordinaire, de nous tenter par l'auuidité d'argent; à  
raison

raison dequoi le Diable est appelé *Mammona*, disant & sôustenant, qu'il y auoit fix mille escus cachés en cette maison, & que si quelqu'un de nous vouloit aller avec lui & le suivre, qu'il montreroit l'endroit où ils estoient cachés. Mais ie puis dire en bonne conscience, deuant Dieu & ses Saints Anges, que ie ne les ai iamais cerchés, ni fait chercher, ni seulement permis d'en faire la moindre recherche, & mesmes n'en ay eu iamais la volonté pour mon regard.

Il nous voulut encor esproouuer par la curiosité, disant, que si nous desirions de le voir en quelque forme corporelle, comme d'homme, de femme, de lyon, d'ours, de chien, de chat, &c. qu'il nous en donneroit le contentement : ce que nous reiettasmes bien loin, lui disant, que tant s'en faut que nous le voulussions voir en aucune de ces formes ni autrement, qu'au contraire nous desirions bien, si c'estoit le bon plaisir de Dieu, de ne l'entendre



aucunement : Mais que nous esperions que le Seigneur nous delivrerait bien tost de toutes ses tentations.

A la fin il se mit en grande colere, premierement contre moi , à l'occasion que ie lui auois dit , *Va maudit au feu eternel preparé au Diable & à ses Anges.* Car là dessus il me dit, *Tu as menti, ie ne suis point maudit, i'espere encor salut par la mort & passion de Iesus Christ.* C'estoit (peut estre) pour nous faire croire qu'il estoit l'ame d'une femme decedee vn peu auparauant en cette maison , fille de celle que i'en auois depossedee par autorité de iustice, de tant plus que le bruit courut , que mourant elle pria Dieu (dit-on) qu'elle peust reuenir apres sa mort pour nous tourmenter. Il me dit encor de grande colere, qu'il feroit ceci & cela. Notamment il me dit, que quand ie serois couché qu'il me viendrait tirer la couuerte , & me tirer par les pieds du list en bas. Sur ce me vint en la pensee de lui dire ce que disoit le  
Pro-

Prophete Royal Daud à ses ennemis, *Je me coucherai & m'endormirai: car PL. 1. 6. l'Eternel me soustient.* Io lui dis aussi ce que Iesus-Christ dit à Pilate, *Tu n'as point de puissance sur moi que celle qui t'est donnée d'en haut.* Surquoy il me repartit ces mesmes mots, lesquels il reitera deux ou trois fois, *Bien t'en prend, Bien t'en prend.* Il se mit aussi en grande colere contre vn des susnômés, par ce qu'il l'auoit appelé *Bouc puant*, & lui dit force iniures: entr'autres lui dit, *Tu fais l'homme de bien, mais tu n'es qu'un hypocrite: tu vas souvent au Pont-deuelle, sous pretexte d'aller au presche: Mais quand tu y vas, tu portes tousiours ton sac, qui est plein d'obligations, & ce n'est que pour exiger tes interests & usures. Va, tu pendrois un homme pour dix francs comme maistre Denis.* Et ce maistre Denis estoit le bourreau de Mascou. Et se frapant comme des deux mains l'une contre l'autre, dit encor à cettuylà, *Tu fais ici le vaillant homme, ayant apporté à ce soir ton espee: Mais es tu si bar-*

*di que de venir ici sans lumiere, & on verra qui sera le plus vaillant de nous deux.*

Après auoir ainsi parlé de toutes ces choses, concernantes le passé & le present, il se voulut encor mesler de parler de quelques choses qui estoient de l'auenir. Entr'autres, parlant de ceux de nostre Religion dans le Royaume de France, il fit vn soir cette exclamation, *O pauvres Huguenots, que vous aurez à souffrir dans quelque temps! O qu'on vous la garde belle! & telles autres paroles.* Il dit aussi, touchant ma femme, laquelle estoit lors enceinte & presté d'accoucher, qu'elle feroit vne fille; & il repeta cela deux ou trois fois. Et ne puis, sur ce propos, que ie ne die librement que voyant ma femme en cet estar là, & apprehendant qu'elle ne tombast en quelque frayeur & espouuantelement, qui lui eust peu causer quelque inconvénient en sa grossesse, que ie lui conseillai de sortir de la maison, & de s'en aller faire sa couche au Pont devey de  
chez



chez Dame Philiberte de la Mouffiere son ayeulle paternelle, de tant plus qu'elle auoit esté nourrie & esleuee avec elle dés son bas aage. Mais elle s'en excusa fort courageusement, me disant, que ce seroit se deffier de la puissance & misericorde de Dieu; que puis qu'il lui plaisoit de nous visiter de la sorte, qu'il nous trouueroit aussi bien en vne autre maison qu'en cette là : & que, pour resister au Diable, il ne falloit pas s'enfuir. En quoi certes i'ai recognu qu'elle auoit bien raison, parce que nous sommes en effect souvent exhortés en l'Escripture sainte à combattre, luitter & resister au diable : mais iamais nous ne sommes exhortés à fuir, c'est à dire, quitter la victoire. Aussi est-il semblable à vn loup, ou au crocodile, ausquels si on resiste fort & ferme, ils s'enfuyent; que si on a peur ou qu'on leur cede, ils vous poursuivront tant plus.

Et sur le propos des choses à venir, il dit, pour mon regard, & redit tout

haut, vn soir, en la presence de tous, que ie montrerois infailliblement dans trois ans : croyant par ce moyen me tourmenter par vne apprehension continuelle de la mort ; pendant les trois années, & ainsi me faire tomber, si il eust peu, en quelque melancholie ou autre maladie & langueur de corps & d'esprit. Sur ce ie me contentai de lui dire ce que disoit S. Paul, prenant congé des Anciens d'Ephese, *Je ne fais cas de rien, & ma vie ne m'est point precieuse, moyennant qu'avec ioye j'acheue ma course, & le ministere que j'ai receu du Seigneur Iesus, pour testifier l'E-  
uangile de la grace de Dieu.*

Act.

20. 14.

Mais ce Demon, apres auoir employé toutes ces ruses la & autres semblables contre nous, il fut contraint de dire lui mesme, qu'il n'y auoit rien à gagner contre nous, parce, disoit il, que nous inuokions trop le Nom de Dieu. Et certes pour monstrier l'efficace de nos prieres, ie puis dire avec verité, que lors qu'il nous voyoit tant seulement  
mettre

mettre à genoux, pour faire la priere, qu'il a dit fort souuent ces mots, *Tandis que vous prierez ie m'en vai à la rue.* En effect, soit qu'il y allast, ou non, il y auoit pendant la priere vn merveilleux silence : Mais la priere n'estoit pas si tost acheuee qu'il recommençoit comme auparauant. Voire il nous pressoit & sollicitoit de lui parler : & qui plus est, il nous preuenoit lui mesme, tant que le 25. de Nouembre il nous dit ces mesmes mots, *ha, ha, ie ne parlera plus.* Et de fait dès ce soit là il cessa tout à fait de parler, & ne parla plus depuis.

Ie pourrois encor ici adiouster beaucoup d'autres paroles que ce Demon a proferees pendant ce temps; mais ie confesse que ie les omets à dessein, parce qu'elles regardent ou la Religion, ou l'Estat, ou l'honneur de quelques personnes & familles releuees & honorables, ou parce que ce sont des propos sales & deshonestes, comme procedés d'un esprit

immonde. Ce que nous en auons recité ci-dessus est plus que suffisant pour nous faire voir que ce parler a esté du tout estrange & admirable.

Mais i'ose dire que les actions que ce malin a faites ne sont moins estranges & admirables : car outre celles qu'il fit pendant que ie fus absent, ci-dessus mentionnees , il en a fait plusieurs autres , comme de remuer fort souuent deçà delà dans la maison vn grand rouleau de toile, qui contenoit enuiron cinquante aunes, que le Sieur Grand-jean auoit laissé chez nous, attendant la commodité d'vn batteau pour l'envoyer à Lyon. Il arracha vne fois des mains de la chambriere vn chandelier de cuivre , lui laissant la chandelle toute allumee en la main. Il prenoit fort souuent les robes de cette chambriere & les pendoit au dessus des colonnes d'vn liët qui estoit en vne chambre sur le deuant de la maison, posant au dessus desdites robes

robes vn chapeau velu, ou à long poil, comme les portent communement les villageoises du pays de Bresse, d'où estoit ladite chambriere. Quelque-fois il posoit sur ces colonnes de liêt vne grande platine; avec ce il attachoit à ces colonnes des cordages avec des nœuds si frequens, ou en si grand nombre, & si estroitement serrés qu'il estoit impossible de les desfaire: & neantmoins cet esprit les desfaisoit lui mesme tout subitement & comme dans vn tournemain. Je trouuai vne fois mes bottes entrelassees de ie ne sçai quelle façon dans vn deuidoir, que ie ne les pouuois oster. Il a souuent entortillé quantité de raues par le bout, avec du filet, d'une façon telle qu'on n'en eust peu faire autant du moins qu'avec vne grandissime patience & loisir.

Vn iour arriua, sur vne ou deux heures apres midi, que le Sieur Connain, Medecin à Mascon, l'un de mes amis, m'estant venu voir, ie lui recitai ce



qui s'estoit passé pour ce fait dès nostre derniere entreueüe. Nous allasmes à cette occasion de ma chambre en celle qui estoit sur le deuant, en laquelle ce Demon faisoit le plus sa résidence. Là nous trouuâmes la coultre du liât, souuertes, linceuls, & couffin estendus sur les carreaux. Sur ce nous commandâmes à la chambrière de refaire le liât, ce qu'elle fit en nostre presence. Cela fait, & sans sortir de la chambre, sinon que nous nous promenions par icelle, nous vîmes en vn moment tout ce liât desfait & renuersé par terre, comme il estoit auparavant.

J'ai souuent trouué dans mon estude, qui estoit vne chambre au dessus de celle là, vne partie de mes livres estendus sur les carreaux. J'ai trouué sur tout plusieurs fois ma clepsydre ou horloge de sable par terre, sans estre rompu, ni m'auoir fait autre mal que cela. Il contrefit vne fois en mon estude, comme i'estudiois, le bruit comme d'une

d'une grande escopeterie d'arquebuses, & eust-on dit que cela procedoit du plancher dessus. Il contrefaisoit aussi le palefrenier d'estable, pensant mon cheual, & s'amusant à lui entortiller le crin & la queue. Je trouuai vne fois la selle mise sur ce cheual c'en deuant derriere. Il a demeuré assez long temps sans qu'on apperceust qu'il frequentast en la chambre où ie couchois, qui estoit cette sale, comme i'ai dit, sur le derriere du logis : mais il advint qu'une nuit, apres que tous ceux qui me venoyent voir se furent retirés, & que mes domestiques & moy estions tous couchés, les portes & les fenestres de cette chambre bien fermées, qu'il y vint & commença à siffler tout doucement & par interualle, comme s'il eust eu peur de nous resveiller. Il battoit comme de la iointure du doigt cette fois, comme depuis fort souvent, sur vn coffre qui estoit pres de mon liect. Il iettoit par fois nos souliers

par la chambre, & sur tout ceux de la chambriere, laquelle sentant vne fois qu'il en prenoit vn des siens, se saisit promptement de l'autre, & le mit derriere son chevet, lui disant en riant, *Tu n'auras pas à tout le moins cet-tui-ci.* Il contrefit vne fois, sur le dessous de ma table de cette mesme chambre, le bruit que font quelques fillatiers, qui demeuroyent en nostre rue, lors qu'ils battent à quatre, comme les batteurs de bled: & comme dit vn Poëte,

*Coup apres coup & quatre à quatre,  
Sans se deuaner d'un seul pas:*

Il nous a fait ouïr fort longuement le son assez harmonieux de deux petites clochettes de fonte, lesquelles il auoit prises de la maison, mesmes parmi quelque ferremande, lesquelles estoient attachees ensemble. Et de fait, les ayant ouyes & recognues à leur son, ie les allai chercher au lieu où ie les auois mises, mais ie ne les trouuai point. Et qui plus est, ce Demon a fait  
ouyr

ouyr ces clochettes , non seulement en cette maison , mais il les a portees deçà delà en diuers endroits tant de la ville que des champs : tescmoin qu'un Dimanche matin , allant de compagnie avec quelques Anciens de l'Eglise à Vrigny , pour faire ma charge , nous ouysmes le mesme son de ces clochettes assez proches de nos oreilles. Estans vis à vis du village de Chazou , le Sieur Abraham Lullier, entre les autres , m'a asseuré de les auoir ouy maintesfois chez lui. Et ce qu'on a trouué encor le plus admirable en cela, c'est que ce demon en faisant ouyr leur vrai & naturel son, voire en beau plein iour fort proches des personnes , iusques là qu'il sembloit quelquefois qu'ils les eussent dans leurs pochettes: cependant nul ne les a iamais peu voir ni apperceuoir en façon & maniere que ce soit.

Est encor bien remarquable , que pendant tout ce temps , ce Demon a non seulement fait ouyr ces clocher-

tes, ailleurs que dans cette maison; mais qu'il a fait encor dehors d'icelle plusieurs autres actions. I'en alleguerai vne, d'ont j'ai esté tesmoin oculaire.

Estant allé vn iour apres disner en la boutique dudit Abraham Lullier, il me raconta plusieurs choses que faisoit ce Demon dans sa maison & dans sa boutique. Entr'autres, il me disoit, que fort souvent il lui auoit pris & caché des choses, lesquelles apres les lui auoit fait chercher assez longuement, il les trouuoit puis apres, sans y penser, au mesme lieu où il les auoit mises. Et au mesme instant que ledit Lullier me faisoit ce discours, il posa sur son tablier vne bague d'or, en laquelle il traualloit lors, avec l'outil qui la tenoit enserree; & l'ayant incontinent apres voulu reprendre, pour continuer sa besongne, il ne trouua ni la bague ni l'outil, quoi qu'il en eust fait la recherche plus de demie heure en ma presence. Parquoi s'estant mis à faire



à faire autre chose, nous vismes rous deux tomber, comme de l'air, dans son tablier tout cela : de quoi certes nous demeurâmes bien estonnés.

Vn soir que ledit Lullier n'estant peu venir veiller chez nous avec les autres, il y en eut vn de ceux là qui en venoyent, lesquels passans deuant sa boutique, où il traualloit encor, quoi qu'il fust bien tard, lesquels l'appellerent dehors, à cause d'un compaignon qui estoit avec lui : & s'estans mis sous l'auantoict d'une boutique proche la sienne, lui raconterent ce qui s'estoit passé ce soir là chez nous. Mais comme ils en parloyent, cet esprit frappa (me dirent-ils) deux ou trois grands coups sur cet auantoict. Le soir d'après, ledit Abraham Lullier estant venu chez nous, & s'en retournant avec ledit Claude Repay, environ la minuit, ils trouuerent, (comme ils me dirent le lendemain) yne femme toute seule au delà du logis de la teste noire, proche du coin, qu'on appelle

des gagnedeniers, habillée à la villa-geoise. Mais d'une façon assez nouvelle, laquelle filloit sa quenouille à la clarté de la Lune:& s'en estans voulu approcher, pour sçavoir quelle femme c'estoit, elle seroit incontinent disparuë.

Mais laissant toutes ces actions & autres semblables, qui sont arriuees hors de ma maison, dont ie ne puis parler avec telle certitude comme de ce que i'ai veu & ouy moy mesme, ie me contenterai d'ajouster ici la derniere action que fit ce Demon chez nous, qui a esté la plus fascheuse & violente; aussi dit on que le Diabolo est tousiours plus violent à la fin qu'au commencement, & qu'il agit lors plus furieusement, quand il ne le doit pas faire plus longuement: car il ietta des pierres incessamment les dix ou douze derniers iours, depuis le matin iusques au soir, en grande quantité, en tous les endroits de la maison, & y en auoit telle qui pesoit plus de deux ou trois livres. En

En ce temps là ledit Sieur Tornuz venant vn iour chez nous , enuiron sur le midi , & voulant sçauoir si ce Demon y estoit tousiours , il siffia en diuerfes façons : mais le Demon ne manqua à faire le sifflement de la mesme façon qu'il le faisoit : Et puis ce Demon lui ietta vne pierre, laquelle estant tombee à ses pieds , sans le blesser , ledit Sieur Tornuz la prit & la marca d'vn charbon qu'il prit au foye , & la ietta sur le derriere de la maison qui ioint les murailles de la Ville , proche de la riuere de Saone, mais cet esprit la lui reietta incontinent dans la maison. Ce qui fut fort aisé à recognoistre par ladite marque. Et ledit Tornuz , prenant en sa main ladite pierre , dit qu'elle estoit toute chaude, & qu'il croyoit qu'il la venoit de querir d'Enfer. Finalement apres toutes ces paroles & actions susdites il s'en alla le 22. de Decembre : & le lendemain vn gros vipere fut trouué sortant de nostre maison , & pris à la

porte par des cloustiers, nos proches  
voisins; avec leurs longues tenailles,  
& porté de la sorte par la Ville,  
crians, *Voici le Diable qui est sorti de chez*  
*le Ministre.* Apres cela ils remirent ce  
vipere à vn Apotiquaire nommé  
Guillaume Clerc, dit Pucelle, & se  
trouua que c'estoit vn vrai & naturel  
vipere, chose assez rare en ce pays là:  
& qui fut l'occasion que le bruit de ce  
Demon commença à estre divulgué  
par la Ville, & depuis presque par  
tout. Et puis dire en bonne conscien-  
ce, que pendant tout le temps qu'il a  
demeuré en la maison; Dieu ne lui a  
pas permis de nous offenser; par tou-  
tes les susdites actions, ni en nos per-  
sonnes, ni mesmes en la moindre par-  
tie de mon bien, iusques là qu'il n'a  
pas eu seulement le pouuoir de des-  
rober; ni emporter de la maison la  
moindre chose, du moins que nous  
ayons reconnu, tesmoin les clochet-  
tes sus mentionnées, lesquelles il fut  
contraint de laisser, (comme marques  
de

de son depart ledit jour ) pendues en vn clou du manteau de la cheminee de cette chambre, en laquelle il s'arrestoit le plus. Il n'a pas eu mesmement permission de Dieu de rompre ou deschirer vn seul fueillet de mes livres, ni de casser vn seul verre, ni d'esteindre la lampe, qui demeuroidt toute la nuit allumee sur ma table pendant ce temps là. A raison dequoy aussi ie ploye & ployerai tout le temps de ma vie les genoux deuant la face de mon Dieu, pour lui en rendre graces continuelles.

Voila donc le naïf, simple, & veritable recit de ce que ce Demon a dit & fait principalement. Ainsi ie confesse qu'il est bien veritable en partie ce que le Sieur Martelin, Predicateur Capuchin, en a dit en son livre qu'il fit imprimer à Grenoble contre le Sieur Bouterouë : Affauoir que lui preschant lors à Mascon, il auoit appris de diuerses personnes, mais en particulier de Monsieur Fouillard,



Lieutenant General au Bailliage dudit Mascon, que ce Demon auoit demeuré plusieurs iours en ma maison, qu'il y auoit parlé & fait diuers mesnages. Et en effect le bruiet qui en courut par toute la Ville estant aussi parvenu à ses oreilles, le Sieur François Guerin son beau frere, & le Sieur Guichard Advocat, me vindrent trouuer de sa part, pour lui en aller faire le discours en sa maison, ce que ie fis. Mais n'est veritable (à correction) la consequence que ledit Marcelin, & quelques autres, transportés de passion, en haine de ma profession, en ont voulu tirer à mon desavantage, comme si i'auois eu quelque communication avec les malins esprits: Car Dieu rend tesmoignage à ma conscience que ie n'eus iamais communication quelconque avec si horribles creatures, & que ie ne les cognois sinon entant qu'il a pleu à cette sagesse Diuine de m'en apprendre par sa parole, & par cette experience  
qu'il

qu'il lui a pleu de m'en donner. Voire ie puis dire, en bonne conscience, que ie n'eus iamais autre curiosité que de faire valoir le petit talent que Dieu m'a donné, & l'employer pour profiter & faire profiter les autres en la vraye & solide science du salut eternal, qui est de *cognoistre un seul vrai Dieu, & celui qu'il a enuoyé Iesus Christ*. Aussi ledit Marcelin, & les autres, qui ont parlé & escrit de moi à mon desauantage, sous ce pretexte, en parlent tout autrement que ledit Sieur Fouillard n'en a iamais parlé: ni mesme que Messire Gaspard Duet, Euesque de Mascon en ce temps là. Car sur le bruit, qui en estoit aussi venu à ses oreilles, il fit venir chez lui ledit Sieur Tornuz pour en sçauoir la verité: Et, non content de ce que ledit Sieur Tornuz luy en dit, pour en estre tant mieux assuré, il enuoya expressement chez moi le Sieur Chambre, son secretaire, pour en apprendre plus particulièrement de ma

bouche ce qui en estoit ; ce que ie lui recitai fort naïvement , sans lui en rien celer ni desguiser. Depuis lesdits Sieurs Tornuz & Chambre me dirent que sur le fidele rapport qu'ils en firent audit Sieur Euesque , qu'il admira grandement cette hystoire ; voire qu'il en dressa quelques memoires.

Que si maintenant on vient me demander d'ou cela peut estre procedé , (comme il n'y a rien plus commun & ordinaire , voire comme plus naturel , sur tout lors qu'il s'agit de choses extraordinaires , de s'enquerir de la cause ) ie dirai librement , que considerant les circonstances du temps, du lieu, & des personnes à qui j'auois à faire pour lors, qu'il me semble qu'il y a plusieurs causes , qui y ont concourré.

Premierement , comme il y a des temps, ausquels les Diables sont comme desliés ; d'autres , ausquels ils sont liés, c'est à dire, ausquels il leur est permis d'agir ; & d'autres, ausquels ils en sont

sont empeschés, ainsi qu'il en est parlé au livre de l'Apocalypse chap. 20. que certes on peut dire, à bon droit, qu'au temps que cela m'est arriué, les Demons estoient comme desliés : parce qu'on ne parloit lors que des actions tout à fait extraordinaires de ces malins esprits. Tesmoin entr'autres le livre du Sieur de Lancre, Conseiller du Roy, & Commissaire député avec le Sieur d'Elpagnet, President à Thoulouse, pour faire le procez aux Sorciers du pays de Labour, autrement dit le pays des Basques en France, frontiere des Monts Pirenees, lequel livre est intitulé, *Le Tableau de l'Inconstance des Demons & malins esprits*, & contient la description de choses si estranges, & si horribles, que les cheveux en herissent en la teste en le lisant. Tesmoin encor l'histoire horrible de Loys Gauffredi, Prestre de Marseille, l'un des plus grands & infames instrumens que l'enfer ait jamais produit : lequel auoit esté brulé

vn peu auparauant par Arrest de la Cour de Parlement d'Aix en Pro- uencee.

Il y eut en mesme temps vn Demon qui apparut à Lyon , en forme d'une belle Damoiselle , au Lieutenant du Chevallier du Guet , nommé la Iac- quiere, & à deux de ses compagnons, qui eurent tous trois compagnie charnelle avec ce Demon , dont l'is- sue en fut du tout tragique & espou- uantable. Aussi cette histoire a esté imprimée tout au long & iointe à plusieurs autres histoires tragiques de ce temps.

En ce mesme temps , voire en la mesme année 1612. on publia dans la Ville de Mascon , comme en la pluspart des meilleures Villes de ce Royaume , vne histoire presque sem- blable à celle de Lyon, survenue en la Ville de Paris le premier de Ianvier de ladite année, d'un personnage qua- lifié, lequel eut habitation avec vn de ses Demons sous l'apparence aussi d'une



d'une belle Damoiselle, laquelle fut cependant le lendemain reconnue, en la presence de Iustice & des Medecins, estre le corps d'une femme qui auoit esté pendue vn peu auparavant.

Enuiron le mesme temps les prisons de Mascon furent remplies d'un assez grand nombre de personnes, tant hommes que femmes, & ieunes gens du Village de Chasselas, & lieux circonuoisins, accusez de Sorcelerie, contre lesquels y ayant eu sentence de condamnation, ils s'en porterent pour appelans en la Cour de Parlement de Paris, du ressort duquel est le Bailliage de Mascon: & là estans conduits par le messager ordinaire accompagné de quelques vns pour lui faire main forte, il rencontra par chemin vn carrosse, dans lequel estoit vn personnage ayant l'apparence d'un homme de Iustice, lequel l'arresta & s'enquit de lui qui estoient ces prisonniers, lesquels il menoit, & d'où ils estoient:

ce que le messager , lui ayant dit & déclaré ; au mesme instant ce personnage-là , ayant contemplé fixement ces prisonniers en recognut vn entre les autres, auquel il dit, *Es-tu ici vn tel?* en le nommant par son nom , n'ayez point de peur : car ni toi, ni tous ceux qui sont avec toi n'aurez point de mal. Et de fait quelques temps apres ils furent renvoyés absous à pur & à plein.

Enuiron le mesme temps il y eut dans Mascon mesme la fille d'vn des plus riches & honorables bourgeois de la Ville , aagée d'environ douze à quinze ans , laquelle couchant avec leur chambriere , qui estoit dudit Chasselaz, disoit-on, ou d'vn lieu circonuoisin , laquelle s'absentant assez souuent la nuict d'aupres d'elle, cette fille s'enquit vne fois d'où elle venoit : & que ladite chambriere lui ayant dit qu'elle venoit d'vn lieu où il y auoit eu bonne compagnie, où elle auoit dansé , & eu routes sortes de plai-

plaisirs & contentemens : que là dessus la ieune fille auroit pris enuie d'aller avec la chambriere en ce lieu là. Que sur ce ayant fait faire à cette ieune fille les onctions & ceremonies ordinaires , que le Diable a accoustumé de faire faire aux Sorciers , cette fille apres cela auroit incontinent esté enleuee en l'air par vn Demon: mais le bruit commun a tousiours esté , qu'estant au dessus du couuent des Capuchins , qu'elle se mit à prier Dieu, dont cet esprit la posa dans leur jardin : & lors estoit environ la minuiet, dit-on : & que quelques vns d'entre les Capuchins , ayans ouy vne voix plaintiue , venant de leur jardin , qu'ils y seroyent allés & auroient là trouué cette fille , laquelle leur ayant dit qui elle estoit , & ce qui leur estoit arriué, elle fut conduite par deux d'entr'eux secrettement en la maison de son pere. l'ai tousiours ouy asseurer cette histoire par vne infinité de personnes, comme tres-veri;

table. J'ai mesme veu cette fille plusieurs fois, & ai ouï dire qu'elle a esté mariee depuis, & ne sçai si elle est encor en vie ou non.

En ce mesme temps que ie di, le bruit commun estoit, dans la mesme Ville de Mascon, touchant vn Demon, qui estoit (disoit-on) dès long temps en la rue de la Tupinerie, dans la maison d'une boulangere nommee la Gorgochonne, lequel Demon apparoissoit assez souvent en forme humaine, ayant vn bonnet rouge sur sa teste, se montrant ainsi par fois à la clarté de la Lune és fenestres de cette maison : ce que plusieurs personnes m'ont asseuré auoir veu, & entr'autres le Sieur Abraham Lullier. Et ne sçai si ce Demon n'y est point encor, nonobstant les coniurations, & mesmes quelques procedures iudicielles, qu'on a tenues contre lui, comme j'ai sçeu, en intention de le chasser.

Au mesme temps aussi il y eut vn de ces Demons, qui fit de grands remue-

muemens & renuersemens, sur tout en quelques tombeaux, dans l'Eglise de S. Estienne dudit Mascon, dont le bruit s'en estant incontinent espandu par toute la Ville, i'y vis, comme proche voisin, accourir incontinent comme à la foule vne partie du peuple de la Ville.

En mesme temps aussi arriuerent encor semblables remuemens & renuersemens en l'Eglise de S. Alban lés Mascon. Il y eut aussi au mesme temps à Marigni les Nonnains (qu'on appelle) vn de ces Demons dans la maison d'une vefve, sœur du Sieur Ferron Prestre, & Vicaire en l'Eglise de Saint Pierre dudit Mascon; ce que i'ai sçeu de diuers endroits, notamment de quelques parens & alliés de cette maison, entr'autres du S<sup>r</sup>. Iaquet, Notaire Royal audit Mascon, lequel m'asseura que ce Demon y auoit demeuré l'espace de trois mois, pendant lesquels il y auoit fait beaucoup de mal; & spécialement espanché le vin dans



la caue, battu & outragé quelques personnes, entr'autres vn ferrurier, lequel entrant vne fois dans cette maison à l'estourdie; & peut estre, chargé de vin, vsant de menaces contre ce Demon. Mais on dit que ce Demon prit le landier du feu, dont il le battit si furieusement, qu'il fut contraint de sortir bien viftement & à la haste. C'est pour dire qu'au temps que ce Demon estoit chez nous, le Diable estoit comme dechainé: dont il con-  
ste par les choses susdites & plusieurs autres semblables.

Mais quand ie considere encor de plus que cela m'est arriué au commencement de mon Ministère en cette Eglise de Mafcon, où ayant veu l'incommodité & esloignement du lieu de l'establissement pour l'exercice public de nostre Religion; ie commençai d'abord d'en poursuivre & solliciter l'approche, tant que le 11. d'Aoust de ladite année 1612. nous obtinmes Arrest au Conseil du Roy,  
por-

portant que nous nommerions deux ou trois lieux plus proches de ladite Ville, & plus commodes, pour estre establis en l'un d'iceux. Le me represente qu'il y a grande apparence que ce Demon me fut enuoyé en haine de cela. Et de fait ayant pleu au Roy d'enuoyer à Mascon Messieurs de Chabottes & Foillard, commissaires pour l'exécution dudit Arrest, ie fus en suite assigné avec les Anciens, & charge ayans en mon Eglise, de comparoistre deuant eux au 14. de Septembre de ladite année : où estans nous nommasmes entr'autres lieux la Preuosté Royale de Mascon, hors l'enclos des murailles. Sur quoi s'esleua vn grand bruit & contention de la part de Messieurs les Escheuins & Notables de ladite Ville, iusques là qu'il y en eut vn, auquel il eschappa de dire ces paroles, *Nous mangerons plustost nos murailles, nos femmes, & nos enfans, que de consentir que iamais vous soyez là establis.* Il y en eut vn autre, &

des plus considerables , lequel s'adressant directement à moi: *Vous vous passeriez bien de faire cette poursuite. Vous sçavez* (dit-il) *que nous avons ci-deuant rendu bon tesmoignage de vous par deuant Messieurs de Monthelon & de Chabottes, Commissaires precedens. Prenez garde qu'il ne vous en arrive maintenant du mal. Auquel cas n'en attribuez la faute qu'à vous mesme.* Or ce bruit & tintamarre, dont il a esté parlé, ayant commencé en ma maison ce iour là mesme, il y a certes quelque apparence qu'il peut estre veñu en partie de là; de tant plus que cettui là, qui vsa de cette menace en mon endroit, pouuoit estre l'un des disciples d'un nommé Cesar, Magicien assez cognu, lequel auoit demeuré vn peu auparauant à Maseon.

Outre cela plusieurs en ont attribué la cause à cette susdite chambriere Bressande, l'ayans soupçonné d'estre forciero, veu mesmement qu'elle estoit issue (à ce qu'ils disoyent

foient) de parens déjà soupçonnés de forcelerie. Et certes ie ne puis dissimuler que quelques propos qu'elle me tint vne fois, la rendirent lors aucunement suspecte à moi mesme, sur tout en ce qu'elle me demanda, si Dieu ne pardonnoit iamais à ceux qui s'estoyent donnés à l'esprit malin, qu'elle appeloit *la putte beste*. Et qu'une autre fois, me voyant dans l'apprehension que ce Demon ne fist quelque mal à deux ieunes garçons qui couchoyent en la chambre tout ioignant celle en laquelle se faisoit tant de bruit, elle me dit, *N'ayez point de peur, il ne leur fera aucun mal*. Ioinct ce qu'elle familiarisoit & gaussoit tant avec ce Demon, comme i'ai dit ci-dessus: & qu'en outre vne fois, se plaignant à ce Demon de ce qu'il ne lui apportoit point de bois pour mettre au feu, soudain il lui ietta vn fagot aux pieds des degrés. D'ailleurs en ce qu'elle ayant fait semblant de s'en vouloir aller, & quitter nostre seruice,

quoi qu'elle n'en eust point le dessein, vne autre estant venue de Loüan, pour tenir sa place, nommee Philiberte Ganiuet. Est à noter que quoi que ce Demon n'eust fait aucun mal à aucun autre, que cependant il battoit cette chambriere nouvellement venue, sur tout la nuict, lors qu'elle estoit couchee avec l'autre, prenant l'esguiere & lui espanchant de l'eau dessus la teste, de sorte qu'elle fut contrainte de s'en aller. Et ce qui m'a rendu aussi cette chambriere merueilleusement suspecte, c'est qu'ayant esté malade en ce temps là, elle me dit vn iour, que la nuict precedente vn grand homme vestu de noir s'estoit apparu à elle, la Lune esclairant, lequel auoit l'apparence comme d'un Medecin, tenant en la main vne phiole, & qu'il lui auoit parlé & tenu quelques propos. Cela (di-ie) & autres choses semblables, me firent à la verité entrer en quelque mauuaise opinion d'elle: tellement que ceci peut estre l'une des  
cau-



causes qui a peu concourir avec les autres.

A cela on peut adjouster la circonstance du lieu, où la chose m'est arrivée, assavoir en cette maison, où le meurtre de celui qui la possédoit vn peu auant moi, auoit esté commis: si tant est que ce qu'en disoit ce Demon, avec le bruit commun, soit vrâi: Aussi tient on que ces esprits ne se manifestent gueres qu'és maisons souillées de quelque meurtre ou autre meschant & horrible forfait. Comme ce que Cardan recite, qu'à Parme il y a vne famille tresnotable des Torels, qui sont Seigneurs d'vn Chasteau, en vne des cheminees duquel on voit, dit-il, il y a fort long temps, vn malin esprit en forme d'vne laide vieille, toutes les fois que quelqu'vn meurt de cette famille: & ce dés le temps qu'vne vieille femme, fort riche, demeurant autresfois dans cette maison, y fut tuee par ses propres neveux & mise en pieces, lesquelles ils iette-

rent dans les latrines pour auoir son argent.

Et finalement il y a vne autre cause, qui semble estre la plus prochaine: voire de laquelle il y a plus d'apparence. C'est que comme i'auois eu adjudication de ladite maison, par sentence du Sieur Lieutenant Foillard, & esté mis en possession d'icelle par son autorité: cette femme dont i'ai parlé, en haine de ce que ie l'en auois depossedee, fut trouuee vn iour sous vne cheminee inuoquant le Diable, & proferant des horribles paroles & imprecations contre moi & ma famille: iusques à dire, *qu'elle ne se souciroit point non seulement d'estre pendue & estranglee, mais d'estre damnee à tous les Diables, & d'estre au fonds des enfers, pourueu qu'elle se fust vengée de moy ou des miens: ce que m'estant venu à notice, & en ayant de bons tesmoins, ie me contentai neantmoins (ne me voulant engager en d'autres formalités de iustice) de presenter requeste audit*  
Sieur

Sieur Foillard, Lieutenant General, expositive de ce que dit est, sur laquelle il ordonna que cette femme comparoistroit en propre personne publiquement en Audience : & ayant en effect comparu, le susdit iour 22. de Decembre de ladite annee 1612. defenses lui furent faites solennellement de ne m'offencer directement, ni indirectement, ni les miens, ni en nos personnes, ni en nos biens, à peine de punition exemplaire. Et fus mis lors quand & quand, avec toute ma famille, au saut conduit du Roy & de Iustice. Et de ce ie puis encor faire apparoir par les actes ludiciels, desquels j'ai en ma puissance les extraits en bonne & deuë forme, en cas qu'on voulust reuquer cela en doute. Et c'est de là principalement que i'estime estre procede tout ce que ce Demon a dit & fait chez nous. Mais, quoi qu'il en soit, ie ne me veux arrester à ces causes secondes, ains i'attribue le tout à Dieu, & esleve mes yeux

vers sa main, de laquelle est parti le  
coup, vers son bras qui a lancé la pier-  
re, ayant montré en cela sa puissance,  
en mes infirmités, sa miséricorde en-  
uers moi pauvre & miserable pe-  
cheur, & sa sagesse admirable en ce  
qu'il n'a permis que i'aye esté tenté  
outre ma portee; ains m'ayant donné  
avec la tentation, l'issue telle que ie  
l'ai peu soustenir: de sorte que i'ai  
bien occasion de dire avec le Prophe-  
te Royal David, Ps. 124. v. 7.

*Comme l'oiseau du filé se desfait  
De l'oïseleur nous sommes eschappés,  
Rompant le laqs qui nous eust attrapés,  
Voila comment le grand Dieu, qui a fait  
Et terre & ciel, nous a desveloppés.*

**A lui donc en soit la gloire  
eternellement,  
Amen.**

**S'EN**



# *S' E N S V I V E N T*

*les Actes publics qui iustifient de plus en plus la verité de l'histoire.*

---

Copie de l'Arrest ci-deuant mentionné, extrait des Registres du Conseil d'Estat.

---

**S***Ur l'advis donné au Roy par les Sieurs de Monthelon Conseiller de sa Maiesté, & Maistre des Requestes ordinaire de son hostel, & de Chabotres, Commissaires deputés par sa Maiesté pour l'exécution des Edicts de pacification es pays de Lyonnois, Masconnois & Bresse, de l'incommodité & esloignement du lieu où ceux de la Religion pretendue reformee demeurans à Mascon, font l'exercice de leur Religion, Sa Maiesté a commis les Sieurs Foillard, Lieutenant au Balliage de Masconnois &*



de Chabottes, ordonne que là feront appeler deuant eux les Escheuins de Mascon, ensemble des habitans de ladite Religion, leur enjoindront de nommer deux ou trois lieux plus proches de ladite ville & plus commodas, & dresseront proces verbal & en donneront aduis à sa Maiesté, pour icelui veu & apporté, estre ordonné ce que de raison. Fait au Conseil d'Estat du Roy à Paris le onzieme iour d'Aoust 1612.

Signé FAYET.

---

*Copie de la Commission.*

**L**Oys par la grace de Dieu Roy de France & de Nauarre, à nostre Amé & Feal Conseiller Maistre Hugues Foillard, Lieutenant de nostre Bailliage de Masconnois, & à nostre cher & bien aimé le Sieur de Chabottes, salut. Nous voulons, vous mandons & ordonnons, que suivant l'Arrest de nostre Conseil, dont l'extract est attaché sous le contrescel de nostre

nostre Chancelerie, & pour les causes y contenues, vous fassiez assigner & appeler par deuant vous nos chers & bien aimés, les Maire & Escheuins de nostre Ville de Mascon, ensemble les habitans d'icelle, faisans profession de la Religion pretendue reformee, pour leur enjoindre de nostre part de nommer deux ou trois lieux plus proches de ladite Ville & commodes, dont vous dresserez vostre procez verbal, lequel vous nous enuoyerez avec vostre advis, pour le tout veu, estre ordonné ce que de raison : de ce nous vous auons donné & donnons pouuoir, commission, & mandement special, & au premier de nos huissiers & sergens faire les exploits, que lui ordonnons en tel cas necessaires: car tel est nostre plaisir. Donné à Paris le onzieme d'Aoust 1612. signé Loys, & par le Roy, la Reyne regente sa mere presente, signé Potier, & seellé du grand seel en cire iaune & contreseellé.

E c. 3

## Copie de l'exploit d'assignation.

**L'**An mille six cens & douze & le  
 quatorzieme iour du mois de Septem-  
 bre auant Midi, ie Noel Colin Sergent  
 Royal & general, residant à Mascon, soub-  
 signé, certifie qu'en vertu de l'Arrest du  
 Conseil d'Etat & de la Commission y at-  
 tachée, donné à Paris le onzieme d'Aoust  
 dernier, dont copie de tout est ci deuant  
 transcrite, j'ai donné assignation aux ha-  
 bitans de la Ville de Mascon faisans pro-  
 fession de la Religion pretendue reformée,  
 en parlant à Maître François Perreaud,  
 Ministre de la dite Religion, en son domi-  
 cile audit Mascon, d'ester & comparoir ce  
 iourd'hui heure de deux heures apres midi  
 en l'hostel & par deuant Monsieur le Lieu-  
 tenant General au Balliage de Masconnois,  
 & le Sieur de Chabottes Commissaires, cet-  
 te part: pour illec proceder selon & à la for-  
 me des arrests & Commission. A l'effect  
 de

de quoi i'ai audit Sieur Perreaud delivré  
la presente copie pour lesdits habitans de  
ladite Religion. Fait és presences d'honora-  
ble Abraham Lullier Orfevre dudit Mas-  
con, & de Maistre Philibert Duplan ser-  
gent Royal & general de ladite ville, tes-  
moins, signé Lullier, Duplan & Colin.

---

*Copie de l'extrait des Actes & Re-  
gistres iudiciels du Balliage  
de Masconnois.*

**C**omparant iudiciairement de-  
quant nous Maistre François Tor-  
nuz Procureur audit Balliage & en ce  
nom de Maistre François Perreaud  
& de Damoiselle Anne Farci sa fem-  
me, qui nous ont dit & remonstré,  
qu'ils nous auroient présenté reques-  
te expositiue qu'en haine de certai-  
ne Instance pendante par deuant  
nous entre ladite Farci demanderesse,  
& Guillauma Blanc, tant de son chef,

que comme tutricé de ses enfans & de feu Philibert Masson , à l'occasion de ce que ladite Blanc auroit esté contrainte à se desister d'une maison appartenante à ladite Farci , icelle Blanc a conjuré vne telle inimitié à l'encontre desdits mariés Perreaud & Farci, & qu'il appert desia en ladite Instance , que ladite Farci se seroit plainte des instances & menaces que faisoit ladite Blanc de mettre le feu en ladite maison : & non contente de ce elle se seroit iactée du depuis en diuers lieux de se venger desdits supplians ; mesme depuis peu de iours, presence de gens dignes de foy , se seroit auancée iusques là que de dire, *qu'elle ne se soucieroit pas d'estre pendue & estranglée , & d'estre damnée à tous les Diables & au profond des enfers , pourueu qu'elle se fust vengée desdits mariés Perreaud & des leurs. Et que si elle scauoit que la paix fust faite pour auoir tué ledit Perreaud , qu'elle seroit contente & satisfaite.* En effect que ladite Blanc cherche ordina-



dinairement tous moyens qu'elle peut imaginer pour leur nuire. Au moyen de quoi ils requeroient lettres pour faire assigner ladite Blanc, pour voir mettre lesdits mariés Perreaud & leurs domestiques au saufconduit du Roy & de Iustice, & de faire les defences en tel cas requises; lesquelles leur aurions ottroyees. En vertu desquelles ils auroient fait assigner à ce iour, lieu & heure & par deuant nous ladite Blanc audit effect, ainsi que de ladite assignation ledit Tornus nous a iustifié par l'exploit de Seigneuret sergent Royal. Et partant requiert & demande défaut à l'encontre de ladite adjournee, si elle ne comparoit ou procureur pour elle. Au contraire a comparu Maistre Nicolas Larme procureur de ladite Blanc, lequel ouy, apres qu'il a protesté de la calomnie & d'en auoir reparation : Nous auons lesdits demandeurs mis, comme nous les mettons au saufconduit du Roy & de Iustice:

faisans deffenses à icelle Blanc de leur meffaire ou mesdire, soit en leurs personnes, biens & domestiques, de fait ou de parole, directement ou indirectement, à peine de punition exemplaire : & ordonné que ladite Blanc comparoistrà deuant nous, pour lui estre faites & rafraischies lesdites deffenses. Fait & prononcé en iugement par nous Hugues Foillard Conseiller du Roy, son Lieutenant general & Commissaire examinateur audit Bailliage, le Sammedi 26. de Nouembre 1612.

**D***Epuis & le Sammedi 22. iour du mois de Decembre an susdit 1612. satisfaisant par ladite Blanc à nostre susdite Ordonnance, elle seroit iudiciairement comparuë par deuant nous Lieutenant general susdit, nous auons à icelle derechef fait les deffenses ci dessus aux peines y portees: Et ce faisant, auons pour ce regard mis & mettons les parties hors de cour & de procez sans despens. Signé Vernier Greffier.*

*Ap.*

---

*Approbation.*

**N**Ous soubsignés commis par le Synode des Eglises reformees de la Prouince de Bourgogne, & iointes, à l'examen d'un livret contenant le recit de ce qui s'est passé en la maison du Sieur Perreaud, pour lors Ministre & habitant à Mascon en l'année 1612. l'ayans leu de bout à autre & soigneusement examiné, certifions n'y auoir rien trouué qui repugne à la pieté & charité : & partant il peut estre mis en lumiere. Fait à Collonges durant la tenue dudit Synode le 5. de May 1633. Signé Depreaux, Pasteur de Croset, I. Clerc, Pasteur de l'Eglise de Sessy, & P. Bollenat, Pasteur de l'Eglise qui se recueille au Vaux.

## Autre approbation.

**N**ous Pasteurs & Anciens des Eglises Reformees de la Prouince de Bourgogne, assemblees au Synode à Bussy, Balliage de Chalon sur Saone, certifions à tous qu'il rppartiendra, que le Sieur Perreaud, Ministre du S. Euangile, a exercé la charge du S. Ministere en cette Prouince par l'espace de cinquante anneés : assauoir premierement en ce lieu de Bussy d'où il est originaire & la plus ancienne & considerable famille ; & depuis en l'Eglise de Mascon, & depuis encore és Eglises du Balliage de Gex, où il est à present en l'Eglise de Thoiri, l'une d'icelles. Pendant lequel temps il a exercé sa charge esdites Eglises en bon Pasteur & fidele seruiteur de Dieu, tant au regard de sa doctrine, que de ses vie & mœurs : lui ayant specialement ladite Eglise de Mascon, au Synode dernier de cette Prouince, tenu à Ysustille en l'an 1649. rendu tesmoignage de pieté & charité

rité exercee enuers icelle , ainsi qu'il en resulte par les Actes: comme aussi nous auons veu que ladite Eglise de Thoiri lui rend un tresbon tesmoignage par acte du 8. de Mars dernier. A quoi nous adjoustons, que combien qu'il ait pleu à Dieu le faire passer par beaucoup d'espreuues & assez extraordinaires, pendant le cours de son Ministère, notamment en ladite Eglise de Mascon; il a pleu à Dieu en mesme temps lui donner vne ferme santé en son corps avec vne tranquillité d'esprit : de sorte qu'en telles espreuues il lui a donné force pour les supporter. Nous supplions donc le Seigneur de vouloir fortifier de plus en plus ce sien seruiteur en sa vieillesse, affin qu'apres auoir paracheué sa course, il le laisse aller en paix, & luy donne la Couronne de gloire qu'il a promis à ceux qui lui seront fideles iusques à la mort. Fait à Bus-sy le 29. Octobre 1651. signé Fr. Regnaud modérateur, G. Bruys adjoint, H. Morlet secretaire.



*L'article extrait de mot à mot des Actes  
du Synode des Eglises Reformees  
de la Prouince de Bourgogne  
tenu à Ysustille en Sep-  
tembre 1649.*

**V**Euë la transaction du 30. de May  
1646. signee Perraudin Notai-  
re à Mascon, faite entre le Sieur Per-  
reud ci-deuant Pasteur en l'Eglise  
dudit Mascon , par laquelle avec  
grande facilité il a quitté de ses droits  
pour le bien de paix , le Synode a ap-  
prouué ledit traité , & a loüé la pieté  
& charité dudit Sieur Perreud.



tes

lay  
ai-  
er-  
life  
nee  
bits  
ap-  
etó